

مستطابق

درسمادنده باب عالی جاده سنده
اداره مخصوصه
محل اداره :

اعظم :
مسکمزده موافق آثار جدید مع المنویه
قبول اولنور
درج ابدلین آثار احاده اولغاز

دین ، فلسفه ، ادبیات ، حقوق و علوم دن باحث هفته لق رساله در

مؤسسلری : ابوالعلا زین العابدین - ح . اشرف ادیب

تاریخ تاسیسی :
۱۱ نمرز ۳۲۴

سنه لکی	القی آیانی	درسمادنده
۶۰	۳۰	ولا یاتده
۸۰	۴۰	مملک اجنبیه ده
۸۰	۴۰	

درسمادنده نسخیه ۵۰ پاره در

قیرله دن مقوا بودو ایله کوندربایر سه سنوی
۲۰ غروش فضله آلنیر

درسمادنده پوسته ایله کوندربایر سه ولایات بدلی اخذ اولنور

عدد : ۲۸

۱۱ صفر ۳۲۷ پنجشنبه ۱۹ شباط ۳۲۴

ایکنجی جلد

اك بيوك سرمايه شرف ومباهات محاربات واقعه ده خصمى محو وافنا ایده جك درجده حیات بشره تخریباب اجراسندن عبارت بولنش وبوكا موفق اولان اشخاص درلو درلو القاب شرف وعنوانلر احراز ویالكز بین الرجال دكل حتى نسا عندنده دخى بك بيوك حیثیت واعتبارى حائر اولدقلرى معلومدر .

قبائل عربیه ام سائردهن زیاده سریع الانفعال سریع الغضب ونظرلرنده شجاعت، سماحت، شهامت کبی صفات حیاته مرجح فضائلدن عد استدکلری وجزوی بر حادنه بیوك بر مقاتله یه بادی اولدینی جهته ظهور اسلامه دکن عموم عشائر وقبائل بر حرب دائمی ایچنده امرار حیات ویالكز بیت مکرم وکعبه معظمه نك سنهده بر کره زیارتی عهد ابراهیم واسماعیل علیهما السلامدن برو جاری اولان بر سنت مرعیه اولسیله موسم حج اولان رجب وذى القعده وذى الحجه ومحرمی شهر حرم اعتباریله یعنی یالکز اشبو آیلرده حرب وقتالی تحریم ایله سنهده درت آی محاربه ومقاتلهدن اجتناب ایدرلر ایدی .

اسلامك ظهورنده عالم نائرة جنك وجدال وغائله حرب وقتال ایله بر هرج ومرج دائمی ایچنده بولنهرق حبشیلرك جزیره العربیه وایرانیلرك یونانیلره ویونانیلرك ایرانیلره وآسیا مهاجرلرینك رومالولره وبالذات قبائل عربیه نك یکدیگرلره هجوم وتسلطایله بوغاز بوغازه اوغراشدقلری بر زمانه مصادف اولهرق بر طرفدن قومیت ، جنسیت ، توسیع ملك و حدود منازعاتی وبر طرفدن یهود ونصاری ارهسنده کی اختلافات دینیه مقاتلاتی روی زمینی بر آشکده حرب ووغا حالنده بولندیرمش اولسیله بالعموم ملل واقوامی بر فکر وعقیده اوزرینه جمع ومیانلرنده جنسیت وقومیت عصیت جاهلیه سنی منع ایله اره لرنده کی اختلافات دینیه ومذهبی رفیع ایدرك نظام عالم وآسایش امك محافظه سی ضمانته مارینی زاده : عارف

هوردن برونی [*]

— مدحت جل بکه —

عناصر کرد باد آتش حدتله ، جوشاجوش :
دکز ، اسماع تهدید ایلوب کوش حوالی یه
کلیر چاربار کوپورمش ، بر غضب امواج ، دوشادوش
کمال عنف وشدتله بوسنکستان خالی یه
نیجه اعصار ایچنده — کیم بیلیر ! — ساحر ، هنر پرور
یدمعمار دورانله — بوجوششگاه دائمه —
آچلمش کهلر ، مدھش قوونلر ، شرحه لر پریر
ایکلدر نیچه تخریب کار بادهاجمده !

توپان محرق ، درین ، بیتاب انیلر صدر ساحلدن
دوشوب طراقة امواج ایچنده محو اولور لرزان

[°] آسیرقا دروغانی اوجورده ایکن یازلمشدی .

طولان آفاقه سنجابی بلوطلر ، شمس مائلدن
دوشورمز بلع ایدر بر ذره امید نور افشان .

بویرلر اوقشاماز روح سکون آشام سودایی
کورونمش اولسهده بر صیده چیقمش بادبانجق کاه
بو حزن انکیز طاشقلر ، بوده شترار تنهایی
نهر مه دوصل اولمش نهر هجرانه شیونکاه !

بو وحشی ساحه رزم عناصرده چیقار کویا
خفی بر شقه ممدود شکوا قلب اشیادن
قودورمش تندبادک زخم دندانیله اک برنا
قوی شیربیلره هپ مضطرب ، مجروح تیتزرکن
اولور یالکز بومدهش حاله ... بر قاچ مارطی — یکپاره
بر استحکام آهن سینه آسا حاکم اطراف
کوکس ویرمش هزاران ضربه مرئی ادواره —
مهیکل برطاش اوستندن نکاه انداز استخفاف .

م . جزئی

عطالت ومکاتب رسمیه طلبه سی

موضوع بحث اولان عطالت یوزندن بزده بر فرقه ده پیدای اولدی که اوده کرک حکومات اسلامی نك مکاتب رسمیه سنده ، کرک داخل وخارجده کی مکاتب اجنبیهده یکی اصول اوزره تحصیلده بولنان متعلمین فرقه سیدر . شونی ده سویله ملی یم که قریم ، قفقاسیه ، سمرقند ، بخارا ، هند کبی ممالک بحشمک خارجندهدر . چونکه او حوالی خاقنک احوانی چوقلق بیلیمورم . بونکله برابر کوردکلرمی ای کوردم ؛ کندیلرندن اسلام ایچون خیر اومولابیلیر بر حالده بولدم . اوت ، بونلر میاننده تصادف ایده بیلدیکم ذوات تحصیللری بلاد غربده اکمال ایتمش ، فنون حاضره یی حقیقه اوکرشمش اولدقلری حالده دین اسلامک لبه ، روحنه اوته طرفده زهد و تقوی ادعاسنده بولنان بر چوققلرندن ده زیاد واقف ، ده زیاد متمسک بولنیورلرده دینک عادات صحیحه سنندن هیچ برینی ترک ایتک کبی بر مبالا تسزلق اظهار ایتیمورلر . بونلر نه کوزل متعلملردر جناب حق امثالنی تکثیر ایتسون .

بیم اصل بحث ایتک ایستدیکم متعلمین فرقه سی مصرده ، سوریهده وسائر ممالک عثمانیهده بولنانلردر . اسلامک علم حقیقه کی سماحت فوق العاده سی مسلمانلره ایچلرنده غیر مسلم بولنان ، حتی کافه سی غیر مسلم اولان ، بلکه دین اسلامدن بشقه بر دینی ترویج ایچون تاسیس ایدیلان رسمی وغیر رسمی مکتبلره اولادلرینی کوندرمکه مساعدده ایتشدرکه بوقیلدن اولان بابلر چوققلرینک عقائدی سالم قالدقه کیمسه نك هدف اعتراضی اولماز .

چوققلر دیانت اسلامی دائرهنده بر طرز تعلیمدن اثر اولیان حتی چوق دفعه لر بشقه بر دینک احکامی تلقین اولنان اجنبی مکتبلرنده

بولندچه عقیده‌لری بعضاً ضعفه گرفتار اولیور، بعضاً کلاً سینه‌لرک پرینه بوسوتون مخالف دیگر بر طاقم عقیده‌لر کلیورکه بوحال چوق دفعه‌لر کورلمشدر. اگر چوققلرک بابالری عقائد دینه‌لرینی بیلسلر، ایجابنده دلائل اقتاعیه سر دینه مقتدر اولسلر، اولادلرینک عقیده‌لرینی تزلزلدن محافظه ایده‌بیلرلردی. لکن بونصل قابل اوله‌بیلرکه وقتیه دکل کنیدیلری کبی عجزه‌نک، خواص کچینلرک بیه اکلایه‌مدینی بر صورتده تحصیل کورمشلر؛ اولیه اولسه ایدی‌ده مرانی اکلاشیله‌بیلر صورتده ایضاح ایده‌جک ارباب ارشاد اولیدی او چوققلرده بونلرک اثرینه اتباع ایده‌رک ضلالدن قورتولوردی. فقط حیفاکه عطالت هرشیئی مشکل، هرشبئی محال یادی چیقدی. ایشته بوحال مکاتب اجنبیه‌ده تحصیل ایدن مسلمان چوققلرینه عطالتک بر جنایتیدرکه زوالیلری هیچ خبرلری اولمقسنین دینسر ایدوب براقیور. باری دیندن محروم قالدقلرینه کوره اقوام غریبه‌نک طبايعه واقف اولیان بعض غافلرک ظن ایتدیکی کبی اونک پرینه حکمت، ادب اقامه ایده‌بیلسلر... لکن هیات اوکی مکتبلرده اوقویانلرک قایلرنده دینک پرینی طوته‌بیه‌جک هیچ بر قوه مانعه کوریلهمیور، مکرکه خیردن الیقویان، شره سوق ایدن بر طاقم تمایلات اولسون. آرتق هوا وهوس بونلر ایچون معبود اوله‌رق شهوات نفسانیلری پشنده متصل قوشیورلر، محو اولیورلر، محو ایدیورلر. ایشته لسان جرائدک هرکون فریاد ایدوب طور دینی اغیایزاده‌لر مرک فالفلری کوز اوکنده طوروب طورییور. هیچ شبهه یوقدرکه بونلرک علمندن جهل بیک قات خیرلیدر. کاشکی اسلام تعلیم وتعلمک بوطرزینه مساعد اولمسیدی.

دینه دائر اوافق تفک بعض شیلر تعلیم ایدیلان رسمی ویاخود غیررسمی مکاتبده کی طلبیه کلنجه: بونلر فون ومعارف متنوعه‌دن بعض مباحث اوکره‌نیورلر. کائنات سماویه، موجودات ارضیه، مسائل اجتماعیه عائد بر طاقم حقایقه وقوف پیدا ایتدکلری ایچون بولندقلری یرلرده اوکا دائر سوز سویلمک ایستیورلر. ذاتاً بیلدیکی شیدن بحث ایتک انسانک طبیعی اقتضاسننددر. شمدی بویه بر کنجک سوزلرینی صورتده متدین، متشرع کچین، لکن حقیقتده اسرار دینه کلاً بیکانه بولسان ارباب تصلفدن بری ایشیدر ایشتمز عقیده اسلامه مخالف ظنیله لوم وتکدیره، بر معناد خروج عن الدین ایله اتهامه باشلاور. شمدی اوکنج کندی دلائلک قوتنده شبهه‌سی اولدیغندن، معافیله دینی‌ده بیلمدیکندن کندیسنی مؤاخذه ایدن آدمک سوزلرینی شرعی ظن ایدرک آرتق جهلدن نه قدر نفرت ایدیورسه دینندنده اوقدر صدق صیریلیور. بویه برکنجه بری چیقوب سن کندک کتب دینییه مراجعت ایدرسه ک سوزلریکک صحت، خصمکک جهالتله دلائل بولورسین، دیسه اولاهانکی کتبه مراجعت ایده‌جکنده شاشیریور، ثانیاً اله الهجی آثارک اومعقد عبارلری آره‌سندن برمال چیقاره‌میور. بناء علیه انسان اکلایه‌میجی

برشیدن نصل نفرت ایدرسه اوده دیندن اولیه‌جه نفرت ایدیور. بوندن طولانی کنجکلرک برچوخی دین اکلاشلماز برشیدر اعتقادنده، یاخود نعوذ بالله بر سلسله خرافاتدر ظننده بولنیورده اوندن بسبتون یوز چویریور. اسلامک عقائدینی، ادابی، فضائلی برطرفه براقه‌رق بشقه عادات تحریرسند بولنیور. حالوکه اونیه بوله‌میور. اونک ایچون کوریلورکه قایلرنده شهات یوق، همتلری قاصر، بوتون امللری عوام ناس کی توسیع معیشتدن، اکتساب جاه ومنصبدن عبارت، هم بومقصدی استحصال ایچون هانکی طریق اولورسه اولسون سلوک ایتکدن کری طورمیورلر. شان وشرف پایدار اولسون‌ده عمومک ویا خصوصک مضرتی وارسون کوزه‌دلسون، دیورلر. ایچلرنده وطنپرورلک ادعاسنده، غیرت ملیه دعواسنده بولنانلر اولسه بیه بوتون سوزلرندن نه بر اساس، نه بر علم صحیح حس اولمیور. بونک ایچون مملکتک صلاحی نامه حرکت ایدرکن فسادینه چالشمش اولیور.

مصر مفتی‌سی مرحوم

شیخ محمد عبده

اجتماعیات و شریعت اسلامیه

جمعیات بشریه‌نک مبدأ تأسسندن عصر حاضر مدنی به قدر کدران ایدن ازمان مختلفه‌ده تاریخشناسانک معلومیدرکه هیچ بر قانون مدنی آدمیتک سعادت حقیقیه‌سنی کافل اوله‌مامش، ترقیات مادیه بشریتی حصوله کتیردیکی حالده معنویات و اخلاق انسانییه اقصای تکمله سوق ایده‌میورک، بوتون آمال ومساعینک خلافتده برکرداب سقوط وتدللله دوعری سوروکله‌مشدر...

تکمالات مدنییه‌نک بودوره‌اخیره‌سند موجودیتلرینی تأمین ایدن اقوام ومملک کفهنه‌عمومی بر نظر عطف ایدیلسه کوریلورکه بوقوم ومملک ماده صوک درجه مترقی اولدقلری حالده معنا و اخلاقاً مدنیتلریله قابل توفیق اوله‌میجق مرتبه سفله‌ده بولوندقلری تحقق ایدر.

ادوار وانقلابات تاریخیه‌نک شوخه‌اخیره مدنیه‌سند ترقیات وکلاسیله، اختراعات وکشیفاتیه بیوک بررول اوینایان فرانسر،